

巴陵縣志卷之二十八

詩文

國朝下卷凡一百二十五首

泊洞庭同履原方止醉後放歌達曉

歐陽輅

輅字礪東新化人乾隆甲寅舉人

我行湘中望湖口經旬煙雨相冥濛朝來天氣得新霽一洗雲
霧留清穹舟人喜甚棹謳發巨檣貫鎖牽雙舫中流帆腳始東
轉已見危堞撐晴空翩翩少年鄭與謝好客頗有前賢風憐我
南遊歲月久喜我疏坦心懷同長江日暮客船集置飲葭菼蒼
茫中大卮屢舉喚行酒綠波引滿葡萄濃江魚味美白如雪芡
以椒芥和霜惹菘牙菰首晚更脆冰盤滿眼堆龍嵒大江西來
巴陵縣志卷之二十八

詩文

一

納眾派鼓盪元氣搖鴻蒙巴陵對酒望秋月萬頃一碧光玲瓏
人生如此不成醉忍使斗轉參橫東興來一舉盡百瓊有似積
水奔長嶺更闌霜冷眾客醉我亦眩眼生青紅船頭醉臥君勿
晒君看落月猶朦朧

北上泊洞庭聞雁

歐陽輅

寂寂山城晚遙天一雁過重尋京國夢又值洞庭波佳節中秋
近新涼昨夜多憐君更南去長路莽關河

登岳州城北望作

歐陽輅

迢遙幽徑上林巔回首荆門一惘然江漢有情終注海兵戈何
事更經年頗聞閭巷思羊祜見說奸豪懾董宣日暮鄉關獨凝

望罪言無補漫流連

按詩兵戈指嘉慶初教匪事羊祐董宣蓋謂總督吳達善也

洞庭舟次遇李十二同登岳陽樓

歐陽輅

北海王孫老倦遊江干偶趁郭翻舟三年塵事乖攜手千里歸
心共倚樓衡嶽曉雲連地捲洞庭秋浪載天浮滄溟自是人閒
路側眼風波奈白頭

自岳赴常德道中作

歐陽輅

不厭深循澤國行望中鄉邑眼逾明人煙遠近金沙路風雨黃
昏漢壽城斑竹千年畱憾血寒濤終古咽幽聲湘沅舊是經由
地幾度悲歌意未平

題費雪漁洞庭雪釣圖

陳士杜

巴陵縣志

卷之二十八

詩文

二

士杜字鶴皋長沙布衣

滿天風雪一漁舟望裏君山訝白頭閒向短篷吹鐵笛梅花飛
徧岳陽樓

岳陽樓燕集遇雨晚忽開霽即景成句

方應綸

應綸縣人見人物

風號雨來急湖光蕩雲端遙連雲夢渚一氣喧驚湍舳舻泊津
口敲側勢未安巨浪掀其尾飄如秋葉乾中流無停響舟子屏
息看白龍帶浪走飢蛟怒相搏雨腳大如拳水天共瀾漫但見
雪花湧雜沓奔層巒此時倚樓坐軒波撼危欄濁醪不成醉心
恍眉頻攢舉杯酌湘君爲我迴狂瀾須臾雨聲細飈輪飛晚煙

駘宕扇波際驅雲歸嶺岫君山一綫碧隱隱湖心蟠蒼然暮色
至呼燭追前歡鐵笛梅花引瑤琴一再彈且盡十斛酒安知鐘
漏殘酒闌望湖月湧出水晶盤

和白竹寺禪宗上人山居原韻二首

縣人彭應慧

塵淨緣風埽僧歸只犬知空庭雲漠漠小閣日遲遲擇地君能
隱消閒我亦宜自今居止悉來往不爲期
爲喜紅塵遠從知俗客稀一牛當面立雙鶴入秋肥卷幔收朝
爽凭欄送夕暉天涼風欲起還掩小窗扉

壬午秋過洞庭

袁名曜

名曜字道南甯鄉人嘉慶辛酉進士
改庶吉士授編修歷官翰林院侍讀

巴陵縣志

卷之二十八

詩文

三

振古此重湖浮生寄太虛乾坤容我贅老病信舟孤水落山皆
峻霜輕葦早枯昏鴉棲未定堪笑是饑驅

南還次巴陵

蔣湘垣

湘垣字師大湘鄉
人嘉慶乙丑進士

江水迎人似有情霧帆煙楫送歸程路經楓菊憐秋老地近林
泉覺夢清雲外舊山麋子國湖邊疏雨岳陽城西風一夕巴陵
酒悵望雲和萬古聲

夜泊君山

陶澍

澍字雲汀安化人嘉慶壬戌
進士官至兩江總督諡文毅

十二青螺髻君山境不凡船疑天上近山在水心嵌雲偃龍歸

洞風高蚌擁帆何人鼓湘瑟夜氣溼秋衫

曉發南津

陶澍

今日癡雲斂檣帆頓覺安影懸楓葉瘦秋賸蓼花寒小髻猶浮
浦修眉遠畫巒應緣山識我畱得數朝看

重登岳陽樓

陶澍

獨步城顛俯若梯危樓高峙岳雲齊秋生水國魚龍穩天入湖
心日月低遠色坐收空際帆舊痕猶溼壁閒題江山又到銜杯
處惆悵梅花小閣西

自注往歲同
靜山師飲此

岳陽樓

石承藻

承藻字黼庭湘潭人嘉慶戊辰進士殿試一
甲第三名授職編修改御史歷工科給事中

巴陵縣志

卷之二十八

詩文

四

洞庭青草望中開獨倚層樓數舉杯水勢直吞麋子國湖光高
射楚王臺天邊日落千帆出檻外風生一笛哀招手仙人騎鶴
返蒼梧雲影正徘徊

重登岳陽樓

石承藻

郡城樓畔此重登徒倚蒼茫遠興乘千里夕陽連大別九江風
色赴東陵藥鏡經卷期他日遷客騷人感昔曾欲向滄湖尋古
寺夜深漁火似瀟蒸

湘江詞

柳廷方

廷方字垣田長沙
人嘉慶戊午舉人

湘江城外草如煙湘江城下水連天昨日東風今日雨行人愁

上洞庭船

岳陽樓

楊先鐸

先鐸字木庵湘陰人嘉慶庚申舉人官桃源教諭

到眼皆空闊欄干倚斗牛青山無地載落日有波浮客醉巴陵酒樵歌木葉秋題詩懷杜孟千古此高樓

臨洞庭

陳圭

三字蘭莊攸縣舉人嘗掌教岳陽書院岳人為詩者皆師之

一粒浮湘水微波起岳陽南來疑地盡北望覺天長混沌誰開闢蛟龍自遁藏酒香山不見煙月迴蒼蒼

岳陽樓

陳圭

巴陵縣志

卷之二十八

詩文

五

蛟室龍堆勢渺茫城邊煙景接滄浪雲來始覺峯巒色風定猶聞杜若香終古流波悲屈宋千秋瑤瑟怨英皇毬門鎮日支頤坐懷古懷仙又夕陽

岳陽懷古

陳圭

千里江湖寇盜媒蟻屯蜂聚有渠魁人多祇利蘆葑藪歲久旋成劍戟堆漫倚舟輪能走敵誰知識兆果飛來可憐八日功何烈少保終畱萬古哀

岳陽樓

吳榮光

榮光字荷屋南海人嘉慶己未進士官湖南巡撫

雲構嵯峨對洞庭水光風影拍蒼冥西來天岳凌空碧南湧君

山貼浪青終古吟詩推杜老今宵張樂或湘靈少時未讀希文
記堯舜君民有六經

洞庭湖

吳榮光

千波流到此波平孤棹微茫鏡裏行三楚風雲歸汗漫萬年天
地與澄清曾經澤畔聞瑤瑟欲遡陽阿擁翠旌湘女湘纍皆寂
寞滿湖芳草古今情

爲胡貞三題洞庭秋月圖

朱景英

景英未詳
蓋浙人

我是洞庭老漁父一年不見洞庭月忽從素壁對新圖千里清
光照華髮清光在紙不在天乾坤吳楚終茫然岳陽樓頭鐵笛
巴陵縣志卷之二十八 詩文 六

裂岳陽城外狂波顛笛聲波聲夜相薄木葉蕭蕭霜氣落中流
無聲轆轤轉一輪湧出湖天廓天垂四角湖心高高處有月沈
秋濤老漁不跳蛟不舞一髮君山淨如許客燈漁火迷離閒白
墮蘆花溼雙鷗五兩乘風自在行今宵趁泊岳陽城有人喝月
一開口豪奪城邊水氣橫我夢鴛湖接茗雪給牒春風坐白裕
翁偏愛我洞庭秋尺幅移來日相狎吾家釣師小長蘆去人已
遠煩招呼幾時與翁同握手看月一醉巴陵酒

舟次君山

吳則琮

貽琮新化人嘉
慶丁卯舉人

日落大隄東蒼茫四顧窮潮來連岸白霞散半江紅野蚌秋爭

月江豚夜拜風巴陵今夕酒一醉荻蘆中

登岳陽樓

晏貽琮

挂席洞庭秋飄然向岳州昔人畱一醉千古仰高樓我欲從君去江空水獨流終期隨汗漫明日五湖遊

城陵磯

沈楫

羣山青不斷峭壁兩崖開風助孤帆上江穿亂石來東陵紛草樹西楚接樓臺直恐閒關老扁舟七往回

岳陽樓

郭祖翼

祖翼字芑泉善化人諸生

危樓高瞰大江濤莽莽乾坤直到今憂樂易成欺世語神仙難
巴陵縣志卷之二十八 詩文 七

了好名心遠帆漠漠堆愁影寒日荒荒起夕陰為問少陵高唱後幾人差不負登臨

雨後登岳陽樓四首

楊慶琛

慶琛字雪蕉江蘇人嘉慶間進士道光中官湖南按察使

不辨雲鄉與水鄉茫茫巨浸接江長胸中清氣吞雲夢天下奇
觀到岳陽萬派波濤瀉霄漢九峯煙雨繪衡湘頻年結願今廳
了百尺樓頭放眼狂

翠螺數點貼波平一片君山分外青秋到湖天羣雁覺詩成風
雨老龍聽更誰憂樂關先後如此煙波入渺冥共濟我思舟楫
利長空萬頃看揚舠

跨鶴乘雲鄂渚東
朗吟又度洞庭風
神仙蹤跡三山外
日月沈浮一鏡中
遷客騷人情各異
落霞秋水句同工
岳陽樓與滕王閣
都爲文章借鉅公
長官舊是雲司侶
觸目枵楊法忍苛
課吏餘功愛騷雅
採風入境聽謠歌
青歸田隴禾苗實
黃到江鄉橘柚多
待向沅湘拾蘭茝
美人香草近如何

岳陽樓

楊芳

芳字誠村貴州銅仁人官
湖南提督封果勇侯

百川異派一湖收
長夜風清蕩月浮
四面河山環大鏡
滿天星斗倒中流
一千餘載龍驚渡
七十二峯雁送秋
轉瞬光陰嗟世
巴陵縣志卷之二十八 詩文
八
故縱觀宇宙悉同儔

秋日重遊岳陽

彭海春

載酒重遊日
天空四野秋
白雲封遠寺
紅葉落孤舟
雁破征人夢
礎驚少婦愁
暢懷能有幾
邀月醉江樓

和楊學師翟太守重修岳陽樓韻

秦維城

維城字綬臣別字
石愚縣人廩生

上下天光淨
麴塵今朝樓畔
一番新子京
去後誰名士
太守風流見
古人寥落江山
消過劫蒼茫
雲水寄閒身
仙人鐵笛拈來
便花鳥依然島上春

吳烈婦趙氏詩

秦維城

癸未夏五朔越三日壬辰東陵有孀婦懷石自沈淵四鄰紛詫
異問道所由然不爲心抱恨不爲家食貧平生履冰操一意殉
夫君夫君玉亭立讀書善屬文事夫敬且謹指顧偕風雲燈牕
日屢易太歲丙加寅夫病忽不起生憐死竟捐夫呼妾心痛夫
吸妾心寒夫命妾之命夫死安用生無奈周防密欲死心尙懸
牀頭兩小女膝下無兒孫兒子汝可撫夫死曾有言收淚暫忍
死同歸無後先維時撫兒子呱呱纔二齡望兒早成立下慰九
泉魂七歲兒佈痘兢兢慎寒温佈痘纔數日兒死嗣不存槌胸
仰天哭妾命帶孤辰死矣復何爲牽挽又有人乃復躬哺殼破
淚爲歡顏一年復一年兩女俱乘鸞前年兩行燭兒已畢婚姻

巴陵縣志

卷之二十八

詩文

九

次亦能自立出入隨兄肩兒小母心戚兒大母心歡君家事已
畢妾可赴黃泉是時天正雨啟戶潛入園妾命盡今日妾身投
清湍家人竟不知村子交口傳葛衣颭波面趨往果是焉哀哉
復怪哉胡不沈中川孰爲載其體孰爲枕其肩其家啟舊壙合
葬南山顛鄉鄰傳此事此事信不刊從容而就義志士古所難
恤孤及死節二者不能全嗟哉誓日心皎皎十八年嗟哉嬰與
日相併爲一身旣節亦復烈旣幽亦且嫻我欲竟此曲筆墨無
靈源爲語人間世休作輕生看問是誰家婦趙女嬪吳門

嘗君山新茶

縣人見
人物 彭昌運

名山佳茗冠吾鄉風味多慙晚始嘗嫵綠飽含螺髻色清芬全

似菴蘭香爭看芽葉開
緘急戲鬪旗槍趁火忙
老病生涯甘淡泊
一甌先喜潤枯腸

遊嵩峯寺有感

劉忠壙

忠壙字守堅別號高溪釣叟縣人諸生

曲欄深巷矮牆頭到處徘徊舊迹留
酒買隔鄰成往事詩題高閣憶同遊
四山風雨諸僧老廿載功名兩鬢秋
手澤尙存人去久綠楊芳草不勝愁

登岳陽樓

黃本騏

本騏字伯良甯鄉人嘉慶戊辰舉人官城步訓導

層樓跨湖水飛影壓君山曩哲詠觴處
古懷憂樂間遠紅拖日巴陵縣志
卷之二十八 詩文 十
脚空翠亂煙鬟忽聽滄浪曲何人鼓柁閒

岳陽樓

縣人高則謙諸生

碧虛翠笠拂波低湖闊虹霓斷處齊
落日滿山紅浪鼓牛歌漁笛過樓西

岳陽樓晚望

縣人見選舉 高銘彝

乘醉登樓風又斜天邊流影度飛鴉
層空暝色迷江樹一朵湘山枕浪花
詞客興添春後酒道人誇鬪雨前茶
蒼煙暮靄來何處極望天涯又水涯

春日登呂仙亭

高銘彝

隔斷紅塵湖上天危高更出白雲顛
眼看下界人如蟻步到晴

空我亦仙野寺僧間同鶴立石邊松老作龍眠城南十里春多
少一路桃花細雨前

登呂仙亭

高銘常

銘常字則誠
縣人諸生

胸襟八九吞雲夢酒債尋常典鷓鴣何似仙翁長不死洞庭春
色醉流觴

洞庭晚眺

縣人見
人物方堃

渺渺重湖迴亭亭古寺遙岸荒松竹老汀晚楚蘭銷暮色幽沈
雨寒聲怒湧潮蒼茫無限感身世一漁樵

登岳州城樓

左觀瀾

巴陵縣志

卷之二十八

詩文

十一

觀瀾字起湘湘陰人廩生以子
陝甘總督宗棠貴 贈如其官

危樓高插浪花中城郭巴陵萬古雄秋色西來波浩浩大江東
去雨濛濛風塵詩酒無仙客文字江山有范公日暮天涯無限
思倚闌清興與誰同

登岳陽樓

孫葆恬

葆恬字少梧善化人嘉慶己卯舉人桃源
教諭以子翰林侍讀鼎臣貴 贈如其官

飛帆六渡君山前城頭一泊巴邱船登樓正好上元夜月色照
徹平湖邊勝遊回首已五載重來頓感流光遷雲土夢澤落襟
帶江永漢廣相迴旋不知世界更何許混沌有水無坤乾茲樓
一粟渺巨海滄桑亙古凌風煙神仙名士兩不朽勝概一藉文

章傳先憂後樂屬何語直以宇宙爲仔肩
尻輿神馬會九有須
與片念彌天淵靜觀萬物理適得以彼視此猶涓泉
人生讀書
志宰相要澤民物平垓埏我登斯樓輒內赧歲月坐負寒生
穉
衣食一身謀尙爾葢粥夜啖心茫然

湘中古怨和李羣玉原韻

楊大章

大章字海樵武陵人嘉慶己卯舉人

楚雨葬重華湘煙唬二女九疑空復青瓦棺何處所
血淚滴寒
山哀風吹暮渚至今斑竹痕點點愁秋雨

登岳陽樓次顏延之韻

縣人見選舉 高崧

微雨淨纖塵和風颺輕服層樓矗西城作鎮資賢牧商旅盈江
巴陵縣志 卷之二十八 詩文 三

千舟檣擁河陸鳥見蜃氣空螺疊雲容複洞庭一天池君山作
巨圍有時洪濤起澎湃蕩江澳湛然鏡面平萬里娛遠目鷗鷺
時上下鼉鼉深潛伏川嶽慶懷柔天地氣清淑相將贈澧蘭無
爲悲湘竹

酒香山

平江人 向阮賢

漢武好神仙爲覓長生酒方朔妙談諧早潤滑稽口至今湖上
亭酒香渺何有

羅娘廟

縣人見人物 方宗朝

殉父之沒曹娥表弟之俠有聶姊挈弟俱往成雙孝誰識羅
娘心未死孝女從父甘及泉免教兩泣陟岵岵輪神馬湖面

馳勃勃猶生樹連理滄湖山上屋荒涼旁風上雨祠欲圯安得
突兀美奐輪幸楣桂房耀中泚晶盤不能使饌豐玉杯不能令
酒旨巷陋衣布惟德馨誰謂室美令神喜我輩大義扶綱常忠
孝德潛務彰美生不筭珈沒鼎鐘梅刻楹丹未云侈富貴難解
窮人憂令淑喪崇禮宜爾君不見黃陵妃廟斑竹林地老天荒
淚猶紫

二橋墓

方宗朝

玉顏歌笑倏成空爲弔荒煙蔓草中曹氏無緣鎖傾國橋家有
堦是英雄君山黛點當時綠楚壁燒餘此日紅名士美人淘洗
盡一尊浮蟻醉江風

巴陵縣志 卷之二十八 詩文

三

呂仙亭

方宗朝

東嶺千層疊翠鋪前峯斷處湧明湖君山對案遊仙路滄寺旁
連選佛區橘井龍書傳縹緲茶甌鶴影認模糊老夫憩此忘衰
拙臥聽江濤膽亦麤

酒香松過事沈冥四十三亭賸此亭人傑天仙爭磊落岳王呂
老共芳馨兩重湖闊連天碧十二峯遙鎮水青難得宣城來謝
眺驚人句滿泐山屏

登岳陽樓偕王雲湖作

時有寇警雲湖督修西城

方宗鈞

宗鈞縣人見人物

憑欄欲唱大江東身世茫茫感鬢蓬仙客無心惟對酒湘帆有

脚但乘風是誰憂樂關天下依舊雲山人望中八日功成思往事斜陽直射劍光紅

洞庭湖

陳樂光

樂光字太霞武陵人道光壬辰舉人官善化訓導

鼎湖神火鑄蒼冥廣樂曾張古洞庭已斷笙簧惟月白如聞吟嘯見山青波涵蚌腹珠帆闊雲隱龍髯水氣腥寶瑟不鳴誰嗣響江天回首望湘靈

岳陽道中

楊季鸞

季鸞字紫卿甯遠人國子監生

短長亭畔柳依依白舫青簾客未歸秋到洞庭波欲長月明湘

巴陵縣志

卷之二十八

詩文

十四

浦雁還飛杜陵漂泊情何限王粲登臨願久違惆悵故園山色裏何年方息漢陰機

和黎月橋岳陽樓詩

陳起詩

起詩字雲心郴州人道光丙戌進士授吏部主事升本部員外郎記名御史

落日登臨望渺漫遠山如髻鏡中看湘君一去暮雲碧春水初生湖雁寒酒到神仙醒最易詩經李杜和原難羨魚垂釣還今日江淨煙空且倚闌

書巴陵女史傳後

張克謀

克謀字松山華容人監生

萬古江山歷劫過可憐戎馬送雙娥詩詞宛轉悲湘竹環佩蕭

條怨碧蘿南渡夢魂山海月西風木葉洞庭波至今煙雨江天暮猶似哀吟續九歌

鄧顯鶴沅湘耆舊集按巴陵女史指韓希孟也又徐君寶妻亦岳州人同韓氏為元兵所掠韓死徐繫至杭州主者數犯之不從以有令色卒亦弗殺一日給主者祭謝先夫乃得間焚香南向再拜泣題滿庭芳詞於壁上投水死元郝經彭采均有巴陵女子行詩然皆憑弔希孟未及徐也楚寶及巴陵志都兩存而吾楚先集中亦罕有詠及者松山此詩關係甚重亟存之

與鮑鶴舟水閣小坐

李昌邁

昌邁字東坪平江人道光壬辰舉人官茶陵州學正

小閣如舟對浪開湖雲沙鳥共徘徊隔江樹欲衝煙出逆水風多帶雨來人代自稱遺世客天涯誰望濟川才放歌倚檻招飛鶴底事千年去不迴

巴陵縣志

卷之二十八

詩文

十五

晚登郡樓

縣人見黃鎔人物

三層巖業最高頭迴壓湖山壯岳州斷岸波濤搖落日嚴城鼓角入清秋神仙底事惟耽酒身世無聊獨倚樓羨殺漁家閑自在東西來往一扁舟

秋杪偕登金鷄山頂遇雨

余昌穀

昌穀字耕石布衣為詩書畫皆有名故籍臨湘家郡城

木落萬山清天宇放宏敞登高眺望中城郭鬱蒼莽長江繚似帶眾山平如掌漠漠四圍低人語半空響松風拂面來雨氣挾風上振衣下崇岡雲低不敢仰

夜過鹿角

余昌穀

疏星耿洲渚去暗語深夜古埃遠疑人竦立森可怕一縷初月生相送扁舟下

月夜登岳陽樓作

李國鏞

國鏞字笙友臨湘人居郡城布衣工詩

倚檻月當頭雲煙一望收江流湘水闊天入洞庭秋有客懷舟楫何人與樂憂壯心無著處長嘯看吳鉤

秋夜望洞庭

李國鏞

漢月逼天清秋光萬頃生遣愁聊出戶望遠復登城渚拓蒼煙影江空逝水聲忽驚蘆荻岸時有雁鴻鳴

巴陵縣志

卷之二十八

詩文

六

江村

李國鏞

城頭雨歇斷雲飛路繞江村入翠微負郭漁多晴曬網栖巖人靜晝扁扉長洲芳草驚春去遠水孤帆計客歸欲覓江叟何處是瀕湖寺外悵斜暉

吳南屏招同家東坪鮑壑舟杜二如顧雲門遊呂仙亭不

果就壑舟臥遊江館集飲分韻得館字 李國鏞

風雨阻勝遊移尊就江館開軒看雨脚湖雲莽撩亂帆影當牕落濤聲隔樹斷我昔聞臥遊山水資圖玩君齋如繫舫萬象枕頭看座中有詩豪得句爭拍案便似蛟龍吼驚聲落天半

洞庭湖

曾傳薪

傅薪字謙山衡山人
舉人官湘潭教諭

秋老湘南八月天重湖入望漲無邊蒼茫江水來三峽隱約君
山露一卷煙裏挂帆烏送客樓頭吹笛鶴騎仙孤城日夜波濤
撼誰是吟詩孟浩然

送勞次山之巴陵即用胡問鷗柬朱同木韻

李星沅

星沅字石梧道光壬辰進
士官至兩江總督諡文恭

一擊唾壺缺高歌行路難新知耐庸俗舊事雜悲歡大雪渡湖
水北風吹暮塞片帆邀我坐醉飲洞庭寬

舟過城陵磯

李星沅

巴陵縣志卷之二十八 詩文

七

近城七里好山開茆屋參差水竹隈隄上柳絲隄外雨隨風吹
綠過江來

贈巴陵丞王大 直瀾

鄧顯鶴

顯鶴字湘皋新化人
舉人官甯鄉訓導

古來賢簿尉不惜以官稱卽此是爲政知君不負丞春潮吞夢
澤夜雨話巴陵倘泛君山月同尋退院僧

月夜泊君山作

鄧顯鶴

銀河直瀉天萬里秋風嫋嫋波初起大湖無人江月高一點君
山鏡光裏罡風吹下軒轅臺霓旌恍惚空中來老鼉蹴浪馮夷
舞驚猿響答清且哀九疑聯綿片帆轉鼎湖龍髯去不返百蠻

天遠碧無情翠華慘淡巫雲散誰與弭節迴雲輶是耶非耶風
泠泠蒼梧夢到望不到煙螺九點鏡天青帝子不歸湘水綠斑
斑血淚啼湘竹怨魄騷魂萬古沈問天不言山鬼哭

登岳陽樓

鄧顯鶴

高浪載天浮湖光滿郡樓巴陵今夕月終古洞庭秋寥落孤征
雁蒼茫萬里舟湘君何處是渺渺不禁愁

長沙試院蔡春帆學使

錦泉

以登岳陽樓和楊雪棊廉訪

元韻四首見示卽事奉和二

錄

鄧顯鶴

浩淼重湖占一鄉危樓高聳望彌長極天風雨迷南紀終古波
濤撼岳陽幾輩登臨可韓杜從來哀怨是沅湘平生亦有扁舟
巴陵縣志卷之二十八 詩文

六

興老覺才疏未敢狂

意氣年來屢不平曲終略記數峯青豈無帝子雲中鼓難得仙
人上界聽水國蛟鼉春滾滾長天鴻雁晝冥冥滄溟不少乘槎
路湖草青時欲放舲

過洞庭三首

魏源

源字默深邵陽人道光
甲辰進士官邳州知州

積水何年始下連南極深縱浮吳楚去難盡屈原心萬古魚龍
氣中宵鴻雁音何須萍實獻江海放臣吟

灝矣東南國能容此大川湖吞江作海地盡水爲天鷗鷺雙蓬
梗乾坤一釣舡舟中樓上客同夢九霄眠

未會羣流淼沅湘各自雄及茲崖岸盡始覺水天同
吟化斯無外形忘會太空汪洋萬頃際今悟至人胸

洞庭吟

魏源

楚狂泊舟風烈烈更上岳陽望湖月樓頭有客請我吟
軒樂湘靈休勦說客言天地缺東南匯爲巨浸恣汪洋
涵年年橫溢出江左水氣蒸爲雲氣酣漢潦破圩如破
堞江潦潰隄如沃雪湖潦浸田如浸月六郡萬家供一
決不知五行何占設無乃堯年逢降割我謂客言意深
苦未暇議今且陳古自昔楚藪夸雲夢幾見洞庭登禹
貢今日楚藪稱洞庭遺蹟何處尋雲夢水鍾三湘失七
澤自古滄桑多變易遂以九江誣洞庭那識長江舊橫
闢

巴陵縣志

卷之二十八

詩文

九

荆州九穴十三孔今惟二穴餘皆壅地不讓水水爭地
仰孟受灌建瓴湧沿湖圩田歲增歲曲防壑鄰占地利
何況老林秦蜀開下游沙塞洲渚洄更加夏汎蛟水至
萬馬孰禦風濤雷鳴乎八百里湖十去四江面百里無
十二安能塞川川不潰九穴須復九江初七澤請仍雲
夢瀦以川還川湖還湖那患陰陽妨噏噓樓下帆檣吳
楚送樓上鐘魚傍晚動雄譚空喟賈長沙憂樂江湖復
何用

按默深此詩以雲夢當洞庭而謂別無雲夢此據舊九江說也是不足辨而言沿湖圩田之害則是

矣故錄之

大王廟在釣魚洞昔人有以三閭廟合祀羅娘及其弟者
名爲忠孝雙廟鄉人不知有此謬呼大王廟詩以正之

縣人見 方竹

靈均何自踞崇岡馬跡漁磯認杳茫山下有蘭堪攬佩洞中無
日不聞香讀騷我久懷夫子遺廟人誰號大王笑殺傳訛多俗
說十姨名字正荒唐

登岳陽樓書感

方竹

二儀闢混茫重湖壯南土滔滔無時休元氣互終古雄堞跨飛
樓憑高駭殊觀蒼蒼衡嶽雲黯黯瀟湘雨鴻雁號荒汀荃蕪寂
遠浦廣樂豈重聞哀絃不再鼓憂來殊萬端鬱抑向誰吐擬將
駕輕舸浩蕩逐漁父

次韻吳南屏慈氏寺塔

縣人見 毛貴銘

巴陵縣志

卷之二十八

詩文

三

驚波浮塔來煙頂露微白湖心臥倒影蛟螭走千百雄哉大筆
揮轟此倚天壁古寺立蒼茫感絕孤吟客

守風城陵磯下雪後放舟作

毛貴銘

守風舟子怨積雪臨嚴冬十月城陵磯厭此高浪衝風頭雖驟
轉雪片仍蒙茸我時舵尾立僵若寒巖松洒面不手拭自詫冰
玉容聞呼挂帆席大笑開心曾羣山忽倒退散走銀芙蓉篷背
起鱗甲我船如白龍茅埠瞥有影鴨欄轉無蹤人生久困頓例
有奇事逢

次韻南屏呂仙亭感舊之作時客貴陽

毛貴銘

黔城有客思岳州意行恍惚登西樓呂仙亭子亦遊到煙波瞬

失愁開眸前年秦蜀恣遠遊雲梯石棧窮按求他鄉豈若故鄉
好買田終作菟裘謀憶昔九齡歲在酉郡城童試時方秋登樓
大笑呂仙醉詩如湖水滔滔流原註僕九歲登岳陽樓謁呂仙
像有句云我亦能吟客公真大
醉人時
皆傳誦可憐湖水滔滔流幼童老矣今白頭白頭坎壈更羈旅
那須海屋多添籌君今作達計良是妙訣一言狂飲耳手攜道
人當崖邱亭中道人善
飲君詩及之便向亭中了生死遨遊鄉里卽神仙落
日天涯思渺然銷憂王粲難成賦孤負城南買酒年

甲辰九月九日偕南屏由庵鹿角將臺山登高

毛貴銘

洞庭浩浩流千古九日高歌上將臺山色漸隨秋葉改風聲遙

巴陵縣志卷之二十八 詩文

三

捲暮濤來無端感慨知何謂如此襟懷得好開我欲憑空問眞
宰白雲飛盡首重回

曠代誰高作達名浮雲離合感平生白頭對酒客俱老黃菊開
花天又晴鎮日說愁原有味隔年念別最多情燕山楚水茫茫
裏從此相思畫得成原註余當以明春入都南屏
詩有明年此日多相憶之句

洞庭秋望十首集唐人句應龔春溪學使觀風作

毛貴銘

渺渺湖光繞郡流巴陵一望洞庭秋白雲明月偏相識去雁來
鴻各自愁盪槳遠從芳草渡啼猿多傍木蘭舟等閒遇事成歌
詠到處銷魂感舊遊

又見斜陽下楚邱風吹細浪起眠鷗共知人事何嘗定逢著湖
山也自留復有樓臺銜暮景欲迴天地入扁舟岳陽樓上聞吹
笛仙鶴空成萬古愁

晚動歸橈出道場最多吟興是瀟湘溪風送雨過秋寺水鳥帶
波飛夕陽信宿漁人還泛泛汀洲雲樹共茫茫君看處處皆圖
畫一曲狂歌入醉鄉

水雲深入武陵鄉笛引西風灝氣涼樓角漸移當路影洞庭須
待滿林霜秋聲暗促河聲急塵夢那知鶴夢長聞道神仙不可
接還將此意問瀟湘

空江浩渺景蕭然樹出湖東幾點煙漢水楚雲千萬里南來北
巴陵縣志

卷之二十八

詩文

三

去二三年鶴盤遠勢投孤嶼龍抱胡髯臥黑泉到岸請君回首
望不同初上洞庭船

猶疑琴曲詠南薰雁叫汀洲不可聞巫峽北通夔府遠洞庭西
望楚江分夕陽有恨空垂地芳草無情已化雲莫把羈魂弔湘
魄屬車龍鶴夜成羣

十年湖上結幽期繞郭湖光景最奇煙外驛樓紅隱隱雲中遠
樹黑離離青山綠水渾無恙黃葉白雲贈所思但願醪醕常滿
酌笙歌搖曳畫船移

萬古驚塵向此空東南山豁大河東浮雲暝鳥飛將盡落木寒
泉聽不窮崑澗噴香晴亦雨江豚吹浪夜還風荻花村裏漁標

在又擬滄浪學釣翁

高雲不動碧峩峩此去巴陵路幾多龍向洞中銜雨出人從臆
外卸帆過滔滔逝水隨萍梗擾擾車塵負薜蘿無限世機吟處
息湖光秋水兩相和

青衫荷葉製儒衣爲我江頭謝釣磯積水長天隨遠客山光物
態弄春暉楚詞已不饒唐勒先達誰當薦陸機
聖代卽今多雨露恩波應許洞庭歸

遊君山用杜子美遊何將軍山林韻

孫鼎臣

鼎臣字子餘號芝房善化人道光乙巳進士官翰林侍
讀鼎臣幼卽能詩年十二父邵吾先生葆恬主講岳陽
書院鼎臣隨侍遊君山十首岳人
驚傳之蒼筤集中不載今錄其五

巴陵縣志

卷之二十八

詩文

三

破曉寒猶重霜花在板橋輕舟迎巨浪薄霧卷層霄遊意若相
惜山靈如見招計程三十里未覺路迢迢

欲訪湘靈墓閒花一帶開淚餘斑在竹香遠路逢梅啼鳥長相
過高僧獨自來碑文不可讀處處長莓苔

見說投書處茶栽覺路香亭欄今久廢苔井自生涼古跡何年
事精靈此地藏無人來試茗深樹晚蒼蒼

僧庵聊小憩窗外看湖雲酒聖兼詩老茶經與貝文籠紗名好
記擊鉢韻同分日暮磬聲下山前黃葉紛

把袂向山別茲遊快若何衣單晚寒緊潮急暮雲多歸路隨燈
影好風時浩歌名山如有契長願此經過

君山

楊世慶

世慶字虞卿
縣人廩生

我聞君山肖螺髻妝呈龍女凌波立又聞君山似雲鬟黛縮湘
娥和露溼洞庭水闊湘雲開十二峯巒水面來上逼層霄下千
仞一空倚傍絕塵埃春潮夏漲時出沒秋波冬潦仍崢嶸水聲
消長無已時山影長雷雲水窟終古屹立水中央絕頂一覽誰
頽頽胡為髻鬢別取義得其形似意未詳君子中立空今古四
顧茫然獨自樹力挽狂瀾號起衰砥柱中流誰與伍千頃汪洋
寫性情滄之不濁澄不清此心山立不波靡偶化崖岸彌崢嶸
今望君山最深處石骨撐持元氣固不因水勢時低昂一任濤
頭自來去不然八公秀異五老奇煙霞蟠鬱江之湄此山俯視
一拳石十一福地胡稱為雄視江湖何屹屹衝激洪濤不能屈
瀆颺諸侯嶽視公此山稱君自奇崑山如高士士如山千古奇
蹤願仰攀得助江山憶張說欲分清氣數峯間

岳陽樓贈丹霞道人

吳淮

淮字耘僊湘陰人
道光丙午舉人

銀漢幾時倒長波去不回道
人非好道一笑出塵埃煙霞君應
癖憂樂我何才獨有不言旨樓頭日日來

辛酉秋司鐸辰郡俸滿假歸偶偕同人登岳陽樓晚眺有

感
縣人見張 垚

樊餘七載託辰陽故國湖山總不忘萬頃波光自今古十年人
事感滄桑高梧初落樓蟬葉芳草空畱走馬場回首舊時題詠
處荒煙頽壁認蒼茫

晚登岳陽樓

李中涵

中涵字鏡海一字
公蓋臨湘諸生

一記曾傳小范公拂衣來上意還同魚龍跋浪天將雨星斗搖
空夜有風老樹自知仙已過吳山誰信穴能通憑欄試醉巴陵
酒今古蒼茫一慨中

和南屏兄遊君山二首

縣人見
人物 吳士邁

少壯尙意氣老大嗜邱壑偶作出山泉終恐同河濁羣槁未及
巴陵縣志卷之二十八 詩文 三

潤孤清猶可酌獨恨違松菊十載自鑄錯人生異窮達彈指同
寂寞安用身後名及時須行樂去日不可追來日將焉託
梅福遁句吳子平寄喬嶽一朝棄妻子層霄侶鸞鶴吾欲東入
海三山渺難索吾將西入夷萬里塵殊惡君山空倚傍中流峙
靈嶠孤標不受垢幽棲堪采藥家世得兩避幻夢或可覺

退庵營君山居期不復出卒從西軍非
本志也錄此詩以見之吳敏樹附識

讀岳陽樓記有感

縣人見
選舉 王大醇

斯文一讀一低徊悲喜無端付酒杯廊廟有心忘地遠樓臺生
色對江開功名一代終參政抱負千秋重秀才擬向清時據夙
願敢從騷客漫追陪

王君雲湖慷慨有經世志拔萃後數困舉場常扼腕談天下事感豐癸丑郡城經賊亂後補修西樓外城基雲湖身任勞役舉發縣中伏匪置之法一時賴以安堵胡文忠公將舉用之會病卒所爲詩文稿佚鮮傳讀此作可覘其素抱也吳敏樹附識

南津夜渡

何天衢

天衢字月潭縣人廩貢生候補訓導

向夜南津渡平波月未生鐘聲出古廟煙色暗前程遠樹城連近中流山自橫漁舟渾不辨隱約聽榔鳴

登岳陽樓

何天衢

空闊乾坤眼界賒危樓徙倚日初斜文章唐宋久無作憂樂江湖未有涯山勢遠盤孤似鶴帆檣紛點小如鴉到來便有凌霄意不信神仙欲自誇

巴陵縣志

卷之二十八

詩文

三

登岳陽樓

何忠駿

忠駿字龍臣平江舉人咸豐中以督勇勦賊官候補知府同李忠武續賓死三河之難贈太僕卿

楚調吳歆不盪愁青衫破笠也登樓乾坤雙眼空塵夢風月一尊思舊遊長笛暗飛湘浦夜斷鴻遠帶漢江秋湖波竟欲君山剗九派南來吼未休

登大雲高頂望四面諸峯環繞晚歸有作

劉德瑛

德瑛縣人見選舉

亂山攢簇如芙蓉千朵萬朵浮虛空一峯前趨眾峯逐一峯直上百峯從中央危峯獨秀出伸臂欲截天際鴻山靈妬人作霧

雨咫尺往返迷西東我來正逢秋雨霽楓林萬頃珊瑚紅猿攀
蟻附到絕頂下視天色如青銅古松半枯大如屋雄濤颯颯號
陰風村居眼光細如豆陟此稍足快雙瞳仙人石屋誰構造亦
時繚繞雲氣封霜鐘微動層巖寂夕陽掛樹垂斷虹歸途回首
望山色依舊蒼龍千萬峯

長湖唐忠臣廟

劉德瑛

古松千尺枝半枯寒鐘已閣日影無榜題唐代忠臣廟誰與建
者宏治中年鄧大夫桓桓張夫子眼皆裂盡血模糊許侯衣冠
本儒者手劍恨不腰狂奴座中南八真男子可憐遺矢懸浮圖
傍有雷將軍眉間亦集金僕姑當時漁陽動鼙鼓二十四郡翻
巴陵縣志卷之二十八詩文
東胡睢陽一城小如養經年困守甘賊屠茶紙已盡及雀鼠拔
刀縛妾聲大呼嗚呼丈夫生不殺賊死爲厲迄今千載尙覺暗
嗚叱咤森髭須鄧侯前明號人傑征苗士眾如火荼戰勝成功
實神助故教廟食留長湖此事儼然見碑刻忠魂崇祀理不誣
祇今遍地紅巾滿願假神力彰天誅

赭樹

劉德瑛

嬴秦虎狼胡不仁長城白骨亂紛紛南遊虐愆仍未已至今枯
樹無陽春當時書籍燒已盡博士妄對事非真頓令巖谷成灰
燼帝子長嘯山鬼嘖枯樹倔強不肯仆暗中呵護疑有神斲取
歸來當清供秦璆漢璧無其珍嗚呼報施作受理非左君不見

阿房宮中三月火

自都還至郡城登呂仙亭作

李元濬

元濬字擴夫平江人道光己酉拔貢生成豐粵逆之亂領鄉軍守平江界旋從曾文正軍以功敘知縣加五品銜典親兵收岳州武昌謝歸南撫仍檄守平江進拔通城與賊渠石達開戰死賜卹如同知例

高高亭子迴巴邱萬里蒼煙落照收山與湖波爭上下地連城市別清幽漁舟破賊英雄往輪鐵磨人歲月道未審封侯何處是可同王粲賦登樓

重九後十日再登岳陽樓有懷仲丹

張元煦

元煦字海晴縣人廩生

風雨經旬鬱不開重陽來後此重來望窮天外寒雲色醉倒樓

巴陵縣志卷之二十八 詩文

五

頭濁酒杯 闕北幾時方送喜江南千里祇增哀杜陵前度吟

秋興也為憑軒淚滿顚

附

巴邱

王柏心

柏心字子壽監利人道光甲辰進士官刑部主事乞養歸粵逆亂起為詩慨述兵事名漆室吟

東下長江繞鄂州扼吭形勢倚巴邱早令鷹隼騰秋氣急遣熊

羆鎮上游設伏奇兵先據險乘風飛炬利燔舟當關但得王僧

辯逆景雖來百不憂

吳敏樹按巴陵地扼兩湖咽喉凡賊兵上下者皆宜禦之於此當粵逆圍長沙時衡陽常忠節公為北撫即請北省提督博勒恭武督兵駐岳又奏用里居中書吾從弟士邁募勇千人柵斷湘陰巴陵界之土星港以永緩舉人張開霽斷臨湘

陸路亦可謂謀之豫矣柰彼時民心不固望風先驚又有土匪陰通賊者皆入募軍所以卒不能守愚謂彼時情勢惟宜守城不宜野戰若但用重兵堅守岳州賊既不能克長沙下竄攻岳而湖南兵隨其後與城軍合擊之賊若舍岳而下又追擊之豈不敗散於此而能至武昌乎因錄此部此詩而附論之

粵賊陷岳州

王柏心

岳陽山川用武國太息丸泥塞不得五千戍卒望風逃賊騎縱橫纔二百哥舒戰敗關始開今者不戰雄城摧鄂州西門捍不早恨無老巖起當道

吳敏樹按博勒恭武軍駐巴陵甚暴於鄉民及賊至不戰而走岳州舊有水陸營久多虛額合北來提軍亦必不及五千之數粵賊初攻長沙不過二三千人及下竄沿途虜脅無慮萬餘矣此云縱橫二百蓋謂其勁旅耳常公既置備上游北省便不作城守計賊將至人爭門出無與守者長沙所以能守乃以賊來襲之驟卒然閉門雖諸公捍禦之功亦會其情也

巴陵縣志

卷之二十八

詩文

三

過洞庭

何紹基

紹基字子貞道光丙申進士官翰林院編修

千帆如鷺白紛紛飛向湖中踢浪紋大水來觀八百里輕舟直渡萬重雲山痕畫伏蛟龍影雨氣寒凝鶴鵲軍
傳言洞庭王有鳥鵲兵三千

過湖餘三十里而泊

何紹基

舟中兀坐如深山閉門讀書無歲年憑陵巨壑乘迴淵一帆兩槳隨所便昨舟過湖輕如丸南風送客何閒閒迴頭忽欲騁媚妍計程過半功未全敲巖繫纜箭在絃平生吸酒如吸川願與

馮伯爲周還湖光酒色相接連酒杯煖勝湖波寒湖中老龍夜
不眠波濤澎湃如鈞天人聲水聲雜悲歡擲杯起立不自安笑
謝龍公觀止矣嘆喑自愧儒生酸

次日晨起知已過洞庭喜甚口占一絕

何紹基

曉寒白浪高千尺柔櫓一枝搖過來夢醒忽聞舟子語岳陽樓
上禮仙回

舟泊湖口

何紹基

激濤重湖口蒼茫古渡頭櫓聲多似雁人影小如鷗歲熟魚偏
賤山晴樹未秋神仙不可遇懶上岳陽樓

岳陽樓

何紹基

巴陵縣志

卷之二十八

詩文

三

君山好落日畱在半湖秋但見水無際不知身倚樓十年三渡
雁千里一沙鷗正好乘風去眞成汗漫遊

舟中雜詩

何紹基

雁聲淒絕不堪聞五夜衝風恐失羣煙水茫茫天似墨一江寒
雨弔湘君

昨日題詩湖上樓湘沅波入大江流今宵已作荊州客對岸青
山是岳州

阻風洞庭登君山紀事感懷得三十八韻並寄都門諸友

楊彝珍

彝珍字性農道光庚戌進士
翰林院庶吉士改兵部主事

狐兔縱橫裏龍蛇戰鬪中勳名諸將顯事業腐儒空橫草功難
就穿楊技未工無能誇汗馬只解悔雕蟲不免文驚眾難辭誘
集躬高冠峩自異奇服指從同甘作支離叟憑嘲潦倒翁茫茫
存老眼鬱鬱抱微衷戍捲歸旗白林銷夕燧紅芳情馳澤國繭
足倦煙叢欲向水雲老將隨漁釣終生涯憑舴艋鋒鏑避膠牖
浩蕩如浮梗飄飄若斷蓬磯方迎白馬浦早過青楓舟滯君山
雨帆禁石女風杖藜尋古寺導徑得奚童市樹驚禽噪蹲巖異
獸雄書疑藏委宛仙擬遇崆峒爲采斑斕竹欲絙摧折桐餘悽
含帝子軼事說龍公苔蘚侵殘座黽鼯竄舊宮遺珠拋的礫怪
石拾玲瓏烏影千羣集鷗波四面通微颺生拂拂落景惜怱怱

巴陵縣志

卷之二十八

詩文

三

憶昨黃巾亂沿湖赤羽充岸排旌旆直渚蕪葑豐指授文儒
畧飛騰上將功軍聲摧籜隕士氣飲醪融偉伐中興烈殊庸常
武隆擬投湘浦甲欲掛楚人弓忽漬沾巾淚徒傳刺臂忠將星
宵頓隕蚩霧晝猶蒙笳鼓喧江介戈鋌接海東守關無虎豹捕
虜少罽熊未見清和理惟虞反側訂且憂螟害穉兼慮莽興戎
臺閣多鷓鷯郊原盡雁鴻能令有環堵不惜杜陵窮

補錄

洞庭阻淺示舟子

錢灃

灃字東注號南園雲南昆明人乾隆辛卯進士官通政
司副使癸卯以本官兼湖南學政三年屆滿奉
旨畱任丁憂歸服除北上以吏議降主事
特旨以員外郎補用旋擢御史

岳陽三日西北風碎雪挾勢翻窗蓬高桅冰膠挽不得長年縮
手誰鳴功昨朝東風倏轉旆火急揚帆入布袋至斗口如抵觸
藩不能遂亦不能退竭誠拜跪禱湖神湖神愁絕力難伸眼看
南風卷水去湖底垠堦盡豁露幸閣平地幾人舟但爲欲炊無
米愁幾人號哭舟破損縱然炊熟難入喉使者命窮多致災慚
負汝曹隨我來風回水長定何日虛意忍飢將權回幸餘一說
聊命筆民是天民天自恤我與汝曹具一民且共攢眉待明日

泛湖

錢 澧

岳陽城下鼓蘭橈路轉君山去復遙水落沙洲相次長冬深木
葉未全凋客懷曠世徒悲屈

巴陵縣志

卷之三十六

三

帝運中天久格苗長鱷巨鯨俱穩睡不憑風浪惱漁樵

湖上

錢 澧

湖上秋風秋月高陽侯欲上試波濤半樽濁酒禁清夜八月新
寒滿舊袍聞海征師煩一旅荆河饒道續千艘慚叨豢養空增
歲宵盱甯分

聖主勞

